



REPUBLIKA E KOSOVËS/REPUBLIKA KOSOVA

GJYKATA KOMERCIALE

Numri i lëndës: 2022:036460

Datë: 28.01.2025

Numri i dokumentit: 06769712

GJYKATA KOMERCIALE E KOSOVËS, Dhomat e Shkallës së Parë, Departamenti për Çështje Administrative, gjyqtarja Vlora Pacolli-Rexhepi, në konfliktin administrativ sipas padisë së paditësit “Barcoden” SH.P.K.me seli në Rr. “Adem Jashari” Pejë, kundër të paditurës Agjencia e Ushqimit dhe Veterinarisë me seli në Prishtinë, për shkak të anulimit të Vendimit Nr.Auv.Ref. 04/2-57/2022, 04/2-69/2022, 04/2-1051/2022, jashtë seancës, me datë 28.01.2025 merr këtë:

A K T V E N D I M

- I. **KONSIDEROHET** e tërhequr padia e paditësit “Barcoden” SH.P.K.me seli në Rr. “Adem Jashari” Pejë, kundër të paditurës Agjencia e Ushqimit dhe Veterinarisë me seli në Prishtinë, për shkak të anulimit të Vendimit Nr.Auv.Ref. 04/2-57/2022, 04/2-69/2022, 04/2-1051/2022.
- II. Secila palë i bartë shpenzimet e veta procedurale.

A r s y e t i m

Paditësi “Barcoden” SH.P.K.me seli në Rr. “Adem Jashari” Pejë, me pronar D.C, ka parashtruar padi kundër të paditurës Agjencia e Ushqimit dhe Veterinarisë me seli në Prishtinë, për shkak të anulimit të Vendimit Nr.Auv.Ref. 04/2-57/2022, 04/2-69/2022, 04/2-1051/2022.

Gjykata me datë 01.11.2024 paditësit i ka dërguar vërejtjen për pagesë të taksës, më të cilën e ka ftuar paditësin “QTA” SH.P.K, që brenda afatit prej 15 ditëve nga marrja e kësaj vërejtje, t’u paguaj taksën gjyqësore për padi, në shumën prej 50 euro, duke e paralajmëruar paditësin se nëse nuk e paguan taksën gjyqësore për padi, brenda afatit të caktuar, do të konsiderohet se padia

është tërhequr konform nenin 63 të Ligjit për Konfliktin Administrativ lidhur me nenin 253 par.5 të Ligjit për Procedurën Kontestimore dhe me nenin 5 dhe 6 të Udhëzimit Administrativ nr.01/2017 për Unifikimin e Taksave Gjyqësore.

Paditësi me pronar D.C, vërejtjen e taksës gjyqësore e ka pranuar me datë 06.12.2024, ndërsa edhe pas kalimit afatit konstatohet se paditësi nuk ka vepruar sipas vërejtjes për taksë. Andaj, gjykata konsideron se paditësi është tërhequr nga padia, dhe ka vendosur si në pikën I të këtij aktvendimi, duke e përfunduar procedurën në këtë çështje administrative.

Lidhur me shpenzimet procedurale gjykata vendosi në bazë të nenit 64 të LKA-së.

GJYKATA KOMERCIALE E KOSOVËS
Dhomat e Shkallës së Parë Departamenti i Përgjithshëm
KA.nr.1183/22, me datë 28.01.2025

Gjyqtarja

Vlora Pacolli Rexhepi

KËSHILLË JURIDIKE: Kundër këtij aktgjykimi palët kanë të drejtë ankese në afat prej pesëmbëdhjetë (15) ditëve nga dita e pranimit pranë dhomave të shkallës së dytë, përmes dhomës së shkallës së parë të kësaj Gjykate.